

道元和尚廣錄卷之一

122	一七七八六	和書門
五〇七	一七七八六	類
冊架函號類		


424


庫文閣內	一七七八六	和書
函架	一七七八六	類
冊架	一七七八六	類

內閣文庫	番號和 17786
冊數	5 (1)
函號	193 424

新獻百十七

193-424





略錄序淺草文庫

和學講談所

非超宗異目糙暴生獐峭

壁乖岨孤危嶮絕何足以

起衲僧瞑眩之疾拔邪見

枝蔓之根在古不之居今

為誰トカ太白老人淨禪師

奮然一出獨振此風諸方
憚之學者畏之
日本元公禪師截海南來
直入其室向心塵脫略處
喪盡生涯歸坐故山盡情

訐露其徒義尹採撫狐涎
欲爲序引則爲之曰汝師
橫說豎說未會動著舌頭
莫錯認驢鞍橋作阿爺下
領景定甲子十一月旦無

外義遠書

其後... 遠公... 宋地... 凡若干萬言... 興聖永平二會... 兩地吐演門人... 凡若干萬言共為十卷也... 滅後其徒義尹持此廣錄遠入... 宋地就瑞巖遠需為校正需之... 遠公者蓋以其與大師同出於... 天童淨老也遠公好略拔出百... 千之十一集為一卷作序作跋

興聖永平二會說法中華扶桑
兩地吐演門人編集謂之廣錄
凡若干萬言共為十卷也大師
滅後其徒義尹持此廣錄遠入
宋地就瑞巖遠需為校正需之
遠公者蓋以其與大師同出於
天童淨老也遠公好略拔出百
千之十一集為一卷作序作跋

外義遠書

三

跋之中曰大海汪洋渺無涯涘
嘗一滴則百川異流具此滴中
矣靈隱寧公淨慈愚公亦同跋
焉或以巨海之變而稱之或以
超師之作而贊也中華達者嘆
賞如此矣我門之徒其機不一
有好略者有好廣者若存略而
無廣則攝化不普蘊崇似乏雖

然斯錄秘之古篋中後代當之
舊青氈帙散簡斷微言將滅譬
如寶劍埋於地美玉韜於石可
以惜焉可以傷焉我輩後生遠
受大師豈得如視秦人之肥瘠
曾不加欣戚於其心哉遂欲使
工鏤板數年于茲顧其爲書以
展轉寫去文多有脫誤因廣求

別本每逢人正焉今茲暇日再
考錄中之顛末粗加倭點以付
之梓人要壽其惠命而及無窮
者是我一片赤心腸也矣原夫
大師諱道元京兆人示降誕迹
在土御門帝正治二年實洞山
悟本之再來也初歷本朝講席
而博窮內外之學遂受大戒於

明全後遊宋地法窟而偏探單
傳之宗果得印可於淨老歸來
開法勉致弘通戒乘俱急而周
接人天行解兼備而大振祖風
當其化方盛不欲居其功早退
城南之寺澁入若耶之山天子
賜衣號不以爲榮相將盡歸投
不以爲心以朴而立宗以質而

教徒大師所爲其有旨哉四百
餘年遺風綿綿至於今日猶不
墜地者視之諸宗未見其儔矣
兒孫若能玩斯錄而心其大師心
則愚公之所謂從而魯變者豈
虛語哉

旨寬文壬子中秋念八日

後學沙門白七山謹書

真聖永平開山道元和為法錄序
夫聖真法藏迥絕筌蹄而
吾根利生源和不妨宗乘以
宣布自非洞明之智眼者豈
能弘闡其淵源哉道元和為

京兆亞相通志源氏子。襁褓穎
異。齠髫英奇。越扶海之明州。叩
天。幸於淨光。頓忘知見。脫畧嘗
拭。識得眼橫鼻直。遂乃空手
還鄉。雖恬處平亭。實相符洞。

山我今正是渠。今正是豕之謂
也。然而和古博學內外典。志趣厚
重。素篤願居深山。不期衆慕。
夙範推為永平第一代之始祖。
紹續洞上十八世之嫡孫。兩生道。

場三會。語錄頭揚。既圓活。提
唱亦孤危。匪飾鉤章。弗離棘
句。至於沛降甘雨。普震雲雷。
宜得帝王臣族。市夫。豈庶人
之。流足。箇之飽飫。誠從智眼睛

明淵源。洞皎而發揮也。及其和
古晦影。多年所謂語錄者。只流
通三分之一餘者。度在庫中。於
是出山。自公來。黃檗。委大成。
知有或可法。又知有法可尊。

則將迺祖諸法討有十卷舊
名廣錄。恐久而湮沒。乃重新
翻刻。以傳之。吾家也。特出老僧
為序。使之有目。是錄者。頓得神
入。精妙而見迺祖。而目之。猶存

也。並和方之。法。家。事。思。耕。我。遠
諸。百。已。讚。跋。大。行。於。世。三。百。餘。年
矣。其。如。老。僧。為。之。序。乃。由。之。思。撰
於。丘。之。門。乎。但。見。出。公。志。意。為
為。今。今。時。法。施。尤。甚。故。乃。因。撰

側海之量即操觚走策遠其累
驟所冀斯錄神龍呵護
福底上國慈及萬靈其日
月而表輝益軋坤而所
大是乃序

皆

延寶辛酉西九年中和月十九

觀音大士誕辰

二月十九日即音誕日之華山日神在內集二月十九日上堂

古泉晚學殆不虎存撰



開闢初住本京宇治縣興聖寺語錄卷第一
嘉禎二年丙申十月十五日始就當山開堂
拈香祝 聖罷
上堂山僧歷叢林不多只是等閑見天童先師當
下認得眼橫鼻直不被人瞞便乃空手還鄉所以
一毫無佛法任運且延時朝朝日東出夜夜月沉
西雲收山骨露兩過四山低畢竟如何良久日三
年逢一閏雞向五更啼久立下座

開闢初住本京宇治縣興聖寺語錄卷第一

侍者

詮慧

編

師於嘉禎二年丙申十月十五日始就當山開堂

拈香祝 聖罷

上堂山僧歷叢林不多只是等閑見天童先師當
下認得眼橫鼻直不被人瞞便乃空手還鄉所以
一毫無佛法任運且延時朝朝日東出夜夜月沉
西雲收山骨露兩過四山低畢竟如何良久日三
年逢一閏雞向五更啼久立下座

上堂曰、依草、家風、附木、心道、場家、好平、叢林、禪床、
一擊、鼓三、下傳、說如、來微、妙音、正當、恁麼、時真、聖
門下、且道、如何、良久、云、湘南、潭北、黃金、國無、限平、
人被、陸沈、

上堂有人道得一句法界量滅未免春夢說吉凶
更若道得一句破塵出經也是紅粉飾佳人直下
照了非夢之真覺便見法界未為大微塵不為小
兩既不實一句何憑井底蝦蟇吞却月天邊玉兔
自眠雲

上堂曰見機而作未是好手現身而講不肯兼當所
以云是什麼物恁麼來如何是什麼物任麼來底
道理良久云真不掩偽曲不藏直

上堂拈提要妙露柱皺眉出格玄談烏龜向火平
實無事癡貶古今豈能自救焉敢救他諸人離此
作麼生商量莫是三年逢閏九月重陽麼莫是大
盡三十日小盡二十九麼如斯見解喚作驢前馬
後漢真聖敢道直饒恁麼也是驢前馬後漢
上堂觀音院裡舉上蓋院裡舉亦是行脚窮山窮

水踏破草鞋亦是行脚行脚事作麼生脫落身心
上堂修行三祇劫今功滿未休取證一刹那今添
添不得古人道依經解義三世佛寬離離經一字
即同魔說既不依經既不離經又且如何行履諸
人要看經麼豈拂子云這箇是真聖拂子那箇是
經良久曰向下文長附在來日

上堂竜吟函洞乾坤靜虎嘯懸岩寒谷温喝

上堂舉馬祖云即心是佛大梅參學三十餘年居
頂絕跡溪色山色祖遂遣僧去向大梅道馬祖佛

法近日又別大梅曰如何別僧曰非心非佛大梅
云任他非心非佛我祇管即心是佛僧回舉似祖
祖曰梅字熟也師曰即心是佛家親切梅字年年
盛復熟

上堂一句也氷銷瓦解一句也塞壑填溝且道三
世諸佛六代祖師向那箇一句中為人真聖這裡
有諸佛未曾說祖師未曾舉底一句舉似諸人良
久云了

上堂百丈竿頭退步進步一伎心上轉面轉身這

箇道理山僧令他露柱燈籠與諸人說昨日也說今日也說諸人還聽麼若未聽者露柱燈籠開口笑所以謂說也至道行也至道古來大慈曰說得一丈不如行取一尺說得一尺不如行取一寸洞山曰行取說不得底說取行不得底雲居云說時無行路行時無說路不說不行時合作麼生洛浦云行說俱到本事無行說俱不到則本事在師云大慈說得一丈未看不行取一丈者說得一尺未看不行取一尺者洞山行取行不得底說取說不

得底雲居說行俱有放行把定洛浦說行俱到家國與盛說行俱不到佛祖證明

上堂倒却門前刹竿乃是流轉生死分付中心樹子亦是妄想顛倒恁麼參來與諸佛同參不恁麼參來與自己同參諸佛同參自己同參說天說尺有異道十道九有異如何是不恁麼自己即是如何是恁麼諸佛即是舉南嶽因馬大師闡化於江西嶽問衆曰道一為衆說法否衆曰已為衆說法嶽曰捨未見人持箇消息來衆無對因遣一僧去

云待伊上堂時但問作麼生伊道底言語記將來
僧去一如師旨回謂曰馬師曰自從胡亂後三
十年不曾闕益醬喫師舉了云以這箇因緣作一
圓團子供養諸佛諸祖有三人而證明一人曰曼
陀曼殊沙花供養一人曰海岸六銖香供養一人
曰頭自髓腦供養二人證明且致現前大衆證明
教他張三李四如何說胡亂以來百萬年未曾欠
闕益將醋

上堂時不待人光陰可惜自古有道之人不惜國

城男女七寶百物唯光陰惜之所謂行道與光陰
俱過所以諸人百丈竿頭上進一步退一步行得
道今復三分已過道得一句也未古人云百尺竿
頭進一步又云百尺竿頭退一步古來未曾道百
八竿頭住一步行時進一步行時退一步行時住
一步這箇竿頭便是諸人安身立命處便是諸佛
成等正覺道場記得黃檗示衆云諸方老宿盡在
在杖頭上僧禮拜舉大樹大樹云黃檗恁麼還見
諸方也未瑯琊覺云大樹恁麼有眼似盲黃檗一

條拄杖天下人咬嚼不碎師云瑯琊怎麼道道也大聽道祇道得八九成如何不道天下人咬嚼便碎還委悉麼良久云黃檗一條山拄杖諸方老宿在頭上忽然倒却漫天落不覺從前論短長月夕上堂無上菩提七顛八倒轉妙法輪落二落二記得馬祖說月次南泉西堂百丈侍立祖云正當恁麼時如何西堂曰正好供養百丈云正好修行南泉拂袖而出馬祖云經入藏禪崑海唯普願獨超物外師云供養修行拂袖行三人正好一圓

成江西翫月縱如是天漢兜蟾自證明

開爐上堂真聖爐鞴開張佛祖跳之不出有問箇中意旨今朝十月初一

上堂曰佛種從緣起佛法從頭起遇良緣而不可蹉過應當修行修行有折伏有接取在這頭而不可蹉過應當辨道辨道有修行有功夫一朝打徹萬法圓成若也未徹萬法蹉過不見麼玄則禪師緣在法眼掌在法眼會下充監寺法眼云你在此間幾年則云在和尙會已得三年也法眼云你後生

也尋常何不問法則云某甲不敢瞞和尚某甲在
青峰處已得安樂處法眼云你依何語得人則曰
某甲曾問青峰如何是學人自己峰曰丙丁童子
來求火眼曰好語只是恐你不曾則曰丙丁屬火
將火求火似學人以自己求自己眼云真箇是你
不會佛法若如是不到今日則燥悶而起中路思
惟他是五百人善知識諫吾不是必有長處再上
法眼處禮拜懺悔眼曰你可問則問如何是學人
自己眼曰丙丁童子來求火則大悟師云前來也

丙丁童子來求火後來也丙丁童子來求火前來
為甚不悟流落解路後來為甚大悟脫落白窠要
會麼良久云丙丁童子來求火露柱燈籠絕惜明
埋在寒灰摸未見點來吹滅再生行

上堂舉善賤參文殊殊云出門將一莖藥草來善
賤出門遍觀盡大地無不是藥還來向文殊道盡
大地是藥把將那箇來文殊云將一莖藥草來善
賤把一莖草度與文殊文殊接得一莖便示眾云
這一莖草亦能殺人亦能活人師云前來也一莖

草後來也。一莖草前來，與後來相去，又多少。良久，云：相去一莖草許。

上堂舉忠國師驗西夫大耳三藏他心通。又舉仰山趙州玄沙海會語了師乃云：國師如何。取初不向三藏道：你得梵枚，他心通。你只得他心通，更得自心通也。無若恁麼道：三藏豈不茫然耶。五位尊宿俱以第二度為不見也。殊不知前兩度也不見得。若將三藏二乘通而為佛祖之他心通，五位尊宿未免二乘之窠窟，猶在三藏之偏局也。要會佛祖

通麼。自心他心，今全殺全活，乃通乃變。今盥水點茶，上堂云：十五日向上，風高月冷；十五日向下，海晏河清。正當十五白天長地久，既得恁麼，湏是恁麼。進得一步，佛來；退得一步，赤心。片心不進不退，莫道山僧無為人，手好莫道諸人無證契。處好既聞恁麼，要行恁麼。否良久云：不背千人與萬人，身心脫落參堂去，下座。

上堂曰：彌綸八方而有一句玲瓏，八面而有一句若道得則不滯累，若未道得則滯累。人古佛道佛

真法身猶若虛空應物現形如水月中月諸代祖師
只道得應底道理未道得佛身現形所以半道半
不道半現半不現也真聖門下作麼生道佛真法
身猶是佛身應物現形僧堂佛殿
上堂舉東邱土國王請般若多羅尊者齊次王乃
問諸人盡轉經尊者為甚麼不轉尊者曰貪道出
息不隨眾緣入息不居蘊界常轉如是經百千萬
億卷師舉了云更說道理看
上堂舉洞山示眾云在千人萬人中不向一人不

背一人是什麼人雲居出眾曰某甲參堂去恁麼
見得諸佛出世也某甲參堂去喫粥喫飯也某甲
參堂去道得一句也某甲參堂去正偏中來也某
甲參堂去須是恁麼也某甲參堂去且道與雲居
不同參一句作麼生道良久云大眾參堂去
上堂舉道悟問石頭如何是佛法大意頭曰不得
不知悟曰向上更有轉處也無頭曰長空不礙白
雲飛師云不得不知佛大意風流淺處却風流長
空不礙白雲飛此度何勞問石頭

上堂曰但見青山常運步誰知白右夜生兒下座
上堂三世諸佛未曾舉底法盡十方世界都無也
所以釋迦老子道如三世諸佛說法之儀式我今
亦如是說無分別法師云現前大衆亦是諸佛儀
式中行道一動一靜無不是諸佛法莫得容易輕
忽也雖然如是吾有諸佛未曾舉底說諸人要會
麼良久云如三世諸佛說法之儀式我今亦是
說無分別法
朔旦冬至上堂天得一清地得一寧人得一安時

得一陽是一得長也是長中佛祖得壽命也諸人
發心修行辨道功夫證得一句也既得長中得力
長中得命便以佛祖身作數珠算得三百六十日
每至今日便得恁麼去也乃是佛祖身心以得恁
麼去也良久云佛佛身心今得長譬珠面目象天
方算來算積幾長遠佳節度知是一陽
上堂云橫身箇裡脫體那畔如何是那畔步步綿
綿如何是箇裡心心片片那畔箇裡且致如何是
恁麼消息主說十分之說賓證明賓說十分之說

主證明諸人設十分之說山僧證明山僧設十分之說諸人證明山僧諸人說時拂子拄杖證明拂子拄杖說時諸人山僧證明脫体横身有甚麼道良久曰對說團團其十分作賓叉手主元在百千萬度道來多此番如何人不曾
上堂舉昔日迦葉尊者蹈泥時有沙弥問尊者何得自為尊者云我若不為誰為我為師云心如臘月扇身如寒谷雲若見得自為便見得誰為二十塗俱不涉鉄壁峭危危

上堂曰多言繁累少語無力不是多言不是少語且作麼生道良久曰入草傳風

上堂曰聞法希於曠劫所以先達先德為法亡身為法喪身良有肯凡夫畜生螻蟻蚊虻邪見外道皆帶身帶命雖然未是聞法者非至尊非中重無量生生幾許受身來雖然未是好生若得聞法即是好生也夫聞法有上中下三般所謂上士聽法以神聽中士聽法以心聽下士聽法以耳聽我等既有神心耳且作麼生聽法聽什麼法不見釋迦

孝子道我法能離生老病死是法非思量分別離
生老病死者任他離却了也非思量分別者任他
非却了也既能如是且道打破是法取法中髓泐
汰於髓取髓中精且作麼生道良久曰縱覺寒風
吹我冷未知明月為誰白這箇是同參底道超法
越髓非上中下上上底道作麼生道還委悉麼鷲
鷲立雪非同色明月芦花不似他

上堂舉大為問仰山涅槃經四十卷幾許佛說幾
許魔說仰山云捺是魔說大為歸方丈仰山隨後

云某甲心神昏昧適來祇對和尚猶疊石峯大為
云知汝眼正師云大為仰山祇對恁麼猶是踈怠
山僧與他一語代他仰山即出眾禮拜了歸眾這
一語與他仰山更有一語供養現前竟象良久曰
摩訶般若波羅密一等玄談非兩一魔佛縱雖同
口說出頭更道是何必

上堂舉鄧隱峰禪師辭馬祖馬祖云什麼處去峰
曰石頭去馬祖云石頭路滑峰曰竿木隨身逢場
作戲便去纔到石頭即繞禪牀一匝振錫一聲而

立問是何宗旨石頭云蒼天蒼天峰無語却回江
西舉似於馬祖祖云汝更去見他道蒼天汝便嘸
嘸峰又去石頭一依前問是何宗旨石頭乃嘸々
峰又無語歸來祖云向汝道石頭路滑師云這一
段公案多少人認作他江西無住會所以恁麼道
又教家算砂之輩曰不住一邊會所以恁麼道山
僧不恁麼待隱峰道石頭去向他道石頭路平坦
縱他石頭與隱峰同時作聲哭蒼天蒼天又同時
作嘸々兩聲隱峰歸來舉似山僧向他道石頭路

平坦

歲直上堂云今日雖是一年之初乃亦三朝之日
也三朝者年朝月朝日朝矣舉僧問鏡清新年頭
還有佛法也無清云有僧云如何是新年頭佛法
清云元正啓祚萬物咸新僧曰謝和尚答話清曰
老僧今日失利又僧問明教新年頭還有佛法也
無教曰無僧云年年是好年日日是好日為什麼
却無教云張翁喫酒李翁醉僧曰老老木大龍頭
蛇尾教云老僧今日失利師云同云老僧今日失

利聞恁麼話諸人云失利好話頭山僧即不然鏡
清明教雖道一失未見一得如有入問真聖新年
頭還有佛法也無向他道有又問如何是新年頭
佛法山僧向他道各々人躰居起萬福若云恁麼
則依而行之山僧向他道真聖今日利利參
上堂云會佛法得神通古來佛祖也成佛作祖不
得容易但得神通者是稱老々會佛法者是稱太
大會大得老只管職由究理辨道也趙州云兄弟
但究理坐看三二十年若不會道取老僧頭去作

酌大小便杓古佛恁麼說今人恁麼行為甚作護
只是聲色攀緣不期計會未能解脫也可憐哉也
容得恁麼人徒勞出沒聲色塵中如今得逢時緣
拖却燒香禮拜念佛修懺看經祇管打坐記得趙
州到雲居居云老々太々何不覓箇住處州云作
麼生是某甲住處居云山前有古寺基州曰和尚
自住取好恁麼事此是會佛法者現神通也不同
十聖三賢等之所行履也真聖代雲居現一上神通
前面既云作麼生是某甲住處後頭有云和尚自

住取既得恁麼須是恁麼作麼生道住也住也
上堂曰不是一番寒徹骨爭得梅花徧界香下座
上堂云釋迦老子為復是佛如來為復是魔波旬
若道佛如來天下不太平若道魔波旬祖父恩未
報且道畢竟喚作什麼始得良文云若人辨得山
僧語許汝諸人一隻眼

上堂云古經轉來出息入息古佛今現一肩兩肩
處々顯條々貴恁麼道理且作麼生道良文曰天
外春將暮青青野色分桃花千萬朵何處覓雲

上堂曰釋迦老子道明星現時我與大地有情同
時成道且道作麼生是所成底道若人會得釋迦
老子無處着慚愧為甚如此速道速道

上堂曰學道千古難得如何難得凡夫莫比七賢
七聖七賢七聖未及十聖三賢十聖三賢夢也未
見諸佛大道欲得恁麼事須是恁麼人既是恁麼
人何愁恁麼事恁麼道得也未若道得也是得皮
得髓若道不得也是得皮得髓道得道不得得皮
得髓且致作麼生是恁麼毗婆尸佛早留心且至

如今不得妙

上堂舉鏡清問僧門外什麼聲僧曰雨滴聲清云
衆生顛倒迷已逐物僧曰和尚作麼生清云泊不
迷已僧云泊不迷已意旨如何清曰出身猶可易
脫體道應難師云脫體已來兩滴聲出身門外什
麼聲迷已不迷已難易一任你逐物及逐已顛倒
未顛倒

上堂曰人人盡有衝天志莫向如來行處行下座
浴佛上堂曰今日我本師釋迦牟尼如來降生干

毗藍園裡年年有今日每今日在毗藍園裡且道
大聖降誕也否若道降誕許一枚修行若道不降
誕許一枚修行既能如是不被山礙不被海礙誕
生王宮既不被山礙不被海礙被生樹也否先佛
先祖縱雖道被生礙今日山僧祇道不被生礙既
能不被山礙不被海礙不被生礙盡界盡地諸人
與釋迦牟尼如來同生而言天上天下唯我獨尊
乃是獅子吼乃是嬰兒啼恁麼見成作麼生道良
久云盡界弥夫嘉運至老婆心切聖降誕聖降誕

將付麼供養奉觀禮拜灌浴將清淨大海衆入禪殿有行儀
上堂曰諸人要識祖師麼掀翻海嶽求知己要識
二祖麼拚亂乾坤建太平隻履不知何處去宗風
千古播嘉聲

結復上堂云百草如今將夏結拈來盡地萬千莖
一花五葉開天澤結果自然必可成

上堂云一生年月是何必萬事回頭非得失覺路
莊嚴誰不道摩訶般若波羅密

上堂舉初祖命門人曰時將至矣汝等盍各言所

得乎時門人道副對曰如我所見不執文字不離
文字而為道用祖曰汝得吾皮尼德持曰我今所
解如慶喜見阿閼佛國一見更不再見祖曰汝得
吾肉道胡曰四大本空五陰非有而我見處無一
法可得祖曰汝得吾骨最後惠可禮拜後依位而
立祖曰汝得吾髓師云後人認為有淺深祖意不
是也汝得吾皮猶如道燈籠露柱汝得吾肉如道
即心是佛汝得吾骨如道山河大地汝得吾髓如
道拈花瞬目非是有淺有深有勝有劣恁麼見得

便見祖師也便見二祖也便傳得衣盂也諸人若
未信重聽我一偈佛祖法輪其力大轉於盡界轉
微塵衣盂縱入可傳手聽法普通男女人
上堂云忽聞佛法二字早是汚我耳自諸人未到
法堂已喫三十棒了也雖然如是山僧今日也是
為眾竭力喝一喝下座
上堂曰真聖父不為眾說話佛殿僧堂溪聲樹影
總為諸人說了也諸人聞得也宋若道聞得說箇
什麼若道不聞辜負自己

上堂云百丈被馬祖一喝直得三日耳聾叢林今
古盡稱奇特非無其謂更有奇特在山僧未被馬
祖一喝為甚一生兩生三生四生祇管耳聾三世
諸佛半耳半聾六代祖師少許耳聾作麼生是聾
底道理良久曰好箇風流流布處莫教六耳等閑
知
上堂云人々具足箇々圓成為甚麼法堂上草深
一丈要會這箇消息麼良久云花依愛惜落草逐
葉嫌生

上堂云任教薦得切忌當頭明頭合也三十暗頭
合也三十既得恁麼諸人無少虧闕如何不悟悟
不惜悟也祇是所以被色色之帶累矣如聲色帶
累於悟之時聲色被悟之帶累也無雖然恁麼放
身於聲色之中撒手於聲色之中在那裡作功夫
決定悟得露柱禪決定會得尼乾禪祖師禪如來
禪夢也未見在苦哉苦哉一時錯著得聲色衣作
聲色媚當念之時家有白澤國家養黑暗女不期
忽然打破自己添桶舉頭槌胸之時忽然悟道一

人悟道自類他類一同悟道一朝悟道前身後身
一同悟道譬如船橋自他共行達道通道東向西
向一時無滯俱無礙也東向者用得此船一艘西
向者用得此船一艘船同人別東去西去各達其
處乃悟之模樣矣悟時不以餘物而悟但以聲色
悟迷時不以餘物而迷但以聲色迷々人悟人俱
時用一船而各無所礙也昔日法眼因僧問聲色
兩字如何透得法眼曰大衆若會這僧問處透聲
色也不難這一段因緣如何參究耳聽沒絃琴眼

見無影樹，恁麼道理，大家知了也。更有要委悉處，耳聽有絃琴，眼見有影樹，既得恁麼，且問大眾喚什麼作聲色聲色，而今在什麼處。

上堂云：直道本來無一物，還看遍界不曾藏。下座上堂云：現身任汝現說法，任汝說且道作麼生度生良久云：鼻孔長三尺，面自重半斤。

上堂云：赤心片々誰知得，笑殺黃梅路上兒。上堂舉僧問：修山主云：芥子納須弥，須弥納芥子，如何是須弥主？云：穿破汝心。僧云：如何是芥子主？

云：塞却汝眼，或有問：真聖如何是須弥，只向伊道可惜許心，如何是芥子，只向伊道可惜許眼。

上堂僧問：如何是古佛心？荅云：鶯啼處々同問如何是本來人？荅云：腦肢蓋眼。漢師乃曰：有問有答，屎尿狼籍，無問無荅，雷霆霹靂，十方大地平沉，一切虛空迸裂，外不放入，內不放出，一槌痛下萬事了畢，依前鼻孔大頭垂一對，眼睛烏律々。

上堂云：莫言佛法無多子，黃檗老婆六十棒。上堂舉法眼禪師因參琛禪師，問：上座何往？法眼

云、遷迤行脚去、琛云、行脚事作麼生、法眼云、不知琛云、不知是最親切、法眼豁然大悟、師云、若是真聖、向地藏和尚道、不知是寂親切、知也、寂親切親切、一任最親切、且問親切箇甚麼、
上堂云、諸人直須辨肯箇、見成公案、作麼生是見成公案、便是十方諸佛古今諸祖是矣、而今現成諸人見也麼、而今揭簾放簾上床下床是矣、好箇見成公案、諸人為甚不會不參、山僧今日不惜性命、不惜眉毛、為諸人再說、為諸人重說、卓拄杖一

下、便下座

上堂舉洞山謂雲居曰、昔南泉問講於勒下生經、僧曰、於勒什麼時下生、曰、見在天宮、當來下生、南泉曰、天上無於勒、地下無於勒、雲居隨舉而問曰、只如天上無於勒、地下無於勒、未審誰與安字、洞山直得禪床震動、乃曰、膺闍梨師云、天上無於勒、地下無於勒、於勒無於勒、於勒是於勒、雖然恁麼、諸人要見於勒麼、拈起拂子云、與於勒相見了也、既得相見、諸人試道、有於勒無於勒、施下拂子下

座
上堂舉百丈野狐話了云將爲胡鬚赤希有赤鬚
胡不落與不昧因果更因果諸人要知因果也
無舉拂子云看々因果歷然擲下拂子下座
上堂舉古人拈起扇子云任你千般巧終無兩樣
風師云真聖即不然任你千般巧更看萬樣風遂
放下扇子云大衆作麼生
上堂舉七賢女者並是諸大國王之女遇賞花之
節百千人衆各各奔趨所游之處以爲取樂七賢

女中有一女曰諸姊妹我與汝等不可亦同衆人
遊賞塵寰取其世樂也却同諸姊妹游屍陀林諸姊
曰彼處盡是死屍污穢有何好事女曰諸姊妹但去
甚有好事既到林中遂指死屍謂諸姊曰屍在者
裡人向什麼處去諸姊諦觀於是悟道乃見空中
天花散墜贊言善哉女曰空中雨花贊歎復是何
人空中曰我是天帝釋因見聖姊悟道與諸眷屬
故來雨花贊歎復告賢女曰唯願聖姊有所須我
當終身供給女曰我家四事七珍悉皆具足唯祇

要三般物第一要無根樹字一株第二要無陰陽地一片第三要叫不響山谷一處帝釋曰一切所須我悉有之三般物者實無欲與聖姊同去白佛於是同往見佛乃問斯事佛言憍尸迦我諸弟子大阿羅漢悉皆不解此義唯有諸大菩薩乃知斯事師乃云如來無上菩提義諸大聲聞總不知獨有過量諸菩薩得便宜處落便宜雖然如是真聖代他天帝道你要無根樹麼庭前栢樹字是若也用不得栢柱杖道這箇便是你要不陰陽地麼屍

陀林是若也用不得盡十方世界便是你要喚不響谷麼喚七賢女云姊妹女應諾即向伊道與你不響谷了也若不應諾向伊道果然不響

上堂云白雲雖是無心物到處還如戀舊山作麼生是自雲作麼生是舊山以拂柄擊禪床良久云龍門無宿客龜鶴本來仙

上堂云十洲春色是東蹊天上人間唯我知參上堂云竭力道著兮露柱旁助半語練心證悟兮木杓強加一口聽得人參得底情也未生形也未

真聲々喃々條々裸々不覺而進一步踏破脚跟
七錯八錯未休而退一步踏穿赤脚二達三達耀
倒須弥拈在干諸人眼睛裡踏翻大海著得干諸
人鼻孔裡如何諸人不覺不知良久云昨夜花開
世界香今朝果滿菩提熟

上堂云今日山僧與兄弟上堂一上以用供養卜
方一切三寶西天四七東土二三天下鼻孔古今
眼睛乾屎橛麻三斤禪板蒲團上來梵修無限勝
因回向蝦蟆跳上梵天蚯蚓走過東海雲來水來

作馬作牛十方三世一切諸佛諸尊菩薩摩訶薩
摩訶般若波羅密

上堂云山僧今日上堂三世諸佛亦今日上堂諸
代祖師亦今日上堂帶丈六金身者上堂具百般
妙用者上堂既俱上堂說甚麼法不說他法說這
箇法作麼生是這箇法上藍院裡舉觀音院裡舉
僧堂裡舉佛殿裡舉

上堂云但看業識太茫茫一切衆生無佛性下座
上堂云如今雲水兄弟還有得底人麼時有僧出

禮拜師云有自有只是未
在僧問得箇甚麼師云
不信道師乃云要識得底
人麼心不負人面無慚
色
上堂云聲是境不得動着
境與山僧道過一句來
得麼良久云常憶江南三
月裡鷓鴣啼處百花香
上堂舉國悟禪師道生死
去來真實人躰南泉道
生死去來是真實躰趙州
道生死去來是真實人
長沙道生死去來是諸佛
真實躰師云四真尊宿
各展家風俱端鼻孔道也
道得只是未在若是真

聖又且不然生死去來只
是生死去來
佛生日上堂盡界多時天
欲曉乾坤今日彩光彰
周行七步費全力未免徬
觀笑一場
上堂云秋雲秋日兩悠悠
半逐年時半似留且問
儂家相對話不知方外若
為酬
中秋上堂折盡月中桂樹
來這面不戀舊這面胡
來胡現漢來漢無限清光
十五枚
上堂云條條而明條條而
存頭頭坐斷十方頭頭
參究一境究了力兮得恁
麼躰了容兮得恁麼十

虛筭來如無對半空證來似脫落要委悉這箇道理麼良久云玄黃莫染我明珠淨鏡何夢好與媿不覺重輪塵刹海夜來倒景在珊瑚

上堂云佛祖翻身五萬回見成公案百千枚一莖草立十方刹雲水不期得々來

上堂曰識知多般有赤鬚胡之識知有胡鬚赤之識知有神頭之識知有鬼面之識知諸人若要學道借佛祖之身心而學道佛祖若要識知借諸人之識知而受用所以破顏而得正眼乃靈山之玄風

也斷臂而得祖髓乃嵩山之勝躅也若不恁麼何能恁麼既得恁麼還躅悉麼良久云喪身失命報君知換面回頭一大疑玉石拖來雖不管道衣道法道心時

上堂云昨夜清風落大虛朝來栢樹立成佛下座上堂云靈根無向背大悟二三外辨來作乳粥供養十方僧良久云也大有也大有消息一通古似今撞破牆藩融界々拳頭霹靂老婆心

上堂云不是心佛不是物不為自己不為人莫教

汝等少知及海裡春秋有海神

雪朝上堂云明白露而堂々光明豁而魏々師乃
舉雲居問雪峰門外雪銷也未雪峰曰一片也無
銷箇什麼雲居自代曰銷也雲居云門外雪銷也
未師著語云我不見分外底他他不見分外底我
雪峰云一片也無銷箇什麼師著語云好雪片々
落在什麼處雲居自代云銷也師著語云大千界
是何物萬億身開妙門
上堂云人々修道力行治此力條々自在期日々

祇陪人事過山林那見道成時

上堂云粥足飯足神通妙用雲來水來現身說法
作麼生是恁麼底人良久云分疎不下得雍容
上堂云用力十二面從容千萬般大疑親切摸索
不著如何恁麼還委悉麼露布說得無用處子細
躡取古人心

臘八上堂問答不錄師乃云二千年以來為子為孫二

千年向上為祖為父泥帶水隨波逐浪便恁麼
道更有將錯就錯底道理作麼生佛在佛不在一

任脚踏下面々佛面行々佛行山僧夜來不覺一
踏一隻乾屎橛出來踣跳蓋夫蓋地山僧又不覺
一踏他便稱云我名釋迦牟尼山僧又不覺一踏
便當他胸却來坐金剛座得見明星咬破孃生羅籠
脫落從來舊窠不待啐啄與諸佛同現三十二相
與山僧同頌二十八字云倒踏當胸吞骨折山沟
眩轉曉風吹七通八達衝夫氣躄得一枚黃面皮
上堂舉雲門因僧問不起一念還有過也無門云
須弥山師良久云須弥山也須弥山親見拈花自

破顏一念百年三萬日樵夫消息在山間

歲且上堂天字廓清一得一失地區含潤千通萬
達正當恁麼時作麼生良久曰春信通和徧地芳
東君兀々坐雲堂枝々染得珊瑚色世界花開是
帝鄉

上堂云自我得佛來常住此說法莫道我宗無語
句真箇我是謝三郎諸法住法位世間相常住鴻
鴈回林鷓鴣出恁麼時又且如何良久云三春果滿
菩提樹一夜花開世界香

上堂云、衆中有箇大悟底人、大衆知及、未知及、若知及、咨參問道、若未知及、對面不相識、

上堂舉百丈野狐話、了師乃云、山河大地野狐窟、受脫一枚皮肉骨、因果明明、非已物、鷓鴣頻、百
花沒

上堂云、二十年來學祖宗、遍參秋菊及春松、瞻風
揆草欲傳道、先佛受功各跳封、

上堂曰、佛法參學、不得容易也、後漢永平名相、統
聞梁代晉通祖師西來自、非祖師西來、檢未知法、

實歸、何況能知佛向上事、談玄說妙、未是說心說
性、未是若放玄妙、無所住處、若遺心性、無所繫處、
是由、但向聲色裡求活計、而已、既除玄妙心性、是
時聲色、但無主也、為甚、恁麼良久、云、鹿心是、失細
膽是得

上堂云、人々自有光明、在佛殿僧堂、更莫壞且問
人々何處來、光明教有光明對

浴佛上堂、我佛如來、今日生十方七步、一時行、誰
知步步生、諸佛諸佛、單傳今日、聲過去未來、并現

在_レ同_レ生_レ同_レ處_レ亦_レ同_レ名_レ南_レ無_レ釋_レ迦_レ牟_レ尼_レ佛_レ香_レ水_レ洗_レ頭_レ
浴_レ老_レ兄_レ這_レ箇_レ是_レ浴_レ底_レ降_レ生_レ道_レ理_レ作_レ麼_レ生_レ是_レ浴_レ儀_レ長_レ
時_レ我_レ佛_レ浴_レ衆_レ僧_レ今_レ日_レ衆_レ僧_レ澆_レ我_レ佛_レ良_レ久_レ云_レ大_レ衆_レ同_レ
到_レ佛_レ殿_レ灌_レ浴_レ我_レ佛_レ下_レ座

上_レ堂_レ佛_レ々_レ祖_レ々_レ單_レ傳_レ大_レ道_レ親_レ故_レ未_レ知_レ舊_レ識_レ未_レ說_レ為_レ
甚_レ恁_レ麼_レ道_レ有_レ道_レ無_レ四_レ句_レ百_レ非_レ思_レ量_レ不_レ思_レ量_レ佛_レ量_レ不_レ
佛_レ量_レ金_レ襪_レ衣_レ傳_レ金_レ襪_レ外_レ傳_レ正_レ法_レ眼_レ藏_レ涅_レ槃_レ妙_レ心_レ恁_レ
麼_レ不_レ恁_レ麼_レ知_レ有_レ不_レ知_レ有_レ盡_レ力_レ道_レ得_レ任_レ他_レ盡_レ力_レ道_レ得_レ
設_レ使_レ斷_レ汝_レ臂_レ設_レ使_レ得_レ吾_レ髓_レ呈_レ示_レ山_レ僧_レ山_レ僧_レ向_レ他_レ道

我_レ王_レ庫_レ內_レ無_レ如_レ是_レ力

上_レ堂_レ云_レ行_レ不_レ別_レ行_レ道_レ不_レ親_レ道_レ所_レ以_レ云_レ諸_レ佛_レ未_レ知_レ向_レ
上_レ関_レ棧_レ萬_レ祖_レ那_レ會_レ直_レ下_レ美_レ當_レ只_レ有_レ向_レ上_レ人_レ手_レ把_レ無_レ
孔_レ鑰_レ匙_レ打_レ開_レ八_レ鬚_レ鎖_レ子

上_レ堂_レ舉_レ進_レ山_レ主_レ問_レ修_レ山_レ主_レ云_レ明_レ知_レ生_レ不_レ生_レ性_レ為_レ什_レ
麼_レ為_レ生_レ之_レ所_レ留_レ修_レ云_レ苟_レ畢_レ竟_レ成_レ竹_レ如_レ今_レ作_レ篋_レ使_レ還_レ
得_レ麼_レ進_レ云_レ汝_レ向_レ後_レ自_レ悟_レ在_レ修_レ云_レ某_レ甲_レ只_レ如_レ此_レ上_レ座_レ
意_レ旨_レ如_レ何_レ進_レ云_レ這_レ箇_レ是_レ監_レ院_レ房_レ那_レ箇_レ是_レ典_レ座_レ房_レ修_レ
便_レ礼_レ拜_レ師_レ良_レ久_レ云_レ公_レ案_レ現_レ成_レ三_レ四_レ尺_レ羅_レ籠_レ新_レ結_レ五

永平府志卷二

九

千年
解夏上堂古之今之現身度生或現百文身或現
臨濟身或現釋迦老子身或現達磨大師身得度
者即皆現之而為說法或現亘古身得度者即現
亘古身而為說法或現今身得度者即現今
身而為說法今夏全機現古夏全機現既能恁麼
九旬安居太幸太慶既得安居功德多少良久云
大地衆生泥多佛大
上堂云往來六道無停止一句正法聞是難汝等

大衆休暗睡光陰百歲轉流丸
上堂云八月一日天中節赤口白舌隨節滅雲集
峯頭秋水清雨過窓外曉風恍
天童和尚語錄到上堂繫詞不錄師乃起立捧語薰香
云箇是天童打躑跳蹈翻東海龍魚驚清淨大海
衆如何證明良久云海神知貴也知價留在人天
光照夜下座與大衆三拜
中秋上堂云前佛後佛同共證明這邊那邊互相
圓照當陽顯赫直下兼當破的破塵有殺有活具

永平廣錄 卷一
如是標格得如是威權何處不稱尊何處不說法
雖然恁麼冷地看來一場好笑還委恁麼良久云
目前無法可商量法外何心任點檢
上堂云把盡十方界發足把盡十方界修行把盡
十方界明心把盡十方界翻身把盡十方界轉腦
舉僧問玄沙和尚有言盡十方世界是一箇明珠
學人如何得會沙云盡十方世界是一箇明珠用
會作麼沙來日却問其僧盡十方世界是一箇明
珠汝作麼生會對曰盡十方世界是一箇明珠用

會作麼沙曰知汝向黑山鬼窟裡作活計舉了云
盡方盡界一明珠日月星辰似兒鳥要會團圓如
不會黑山鬼窟好功夫

上堂曰超越從來諸佛祖不關南北及東西風雲
感會喫糊餅打聖打賢打一齊

開爐上堂火爐今日大開口廣說諸經次第文鍊
得寒灰將鉄漢心々片々目前啟

為亡僧慧顛上堂曰一華開五葉打死打生結果
自然成作佛作祖惠顛上座得恁麼面目也未還

委悉麼卷却娑婆皮一枚萬年一念直須灰箇中
佛祖競頭現闍老葉鬼作佛來

為亡僧僧海首座上堂海臨終有頌曰二十七年
古債未轉踏翻虛空投獄如箭師舉了云夜來僧
海枯雲水競嗚呼徹底汝方見還思見刺無欄胸
一拂猶未瞥一死而今方再蘇

為僧海首座又上堂舉趙州道一見老僧後更不
是別人師乃曰一見老僧非舊面生前未出一叢
林風寒菓落換頭腦水沫為身雲是心

上堂云全機活眼兮機先現成牙如劍樹兮口如
血盆

上堂云佛々正傳佛々此中必有二物驢胎馬腹
牛皮這裡現成拂拂

冬至上堂年々加一三陽一非舊非新功轉深佳
節佳辰千萬化唾眠喫飯起於今

正元上堂曰蓋天清蓋地潤所以道恒沙諸佛舞
三臺遍界南枝花忽開忻得東君通管籥春雲春
水與時來

上堂云學道須專志真箇若是真箇道乃徹也良久云步步履春無罣礙人々受歲通消息

結夏上堂云吾結衲僧布袋頭寶林即與聖宝林寺也

拈得弄皮毬趲來佛祖盡無數留與叢林牧馬牛

上堂云報化非諸佛思量不衆生所以言佛說法未了法說佛到來

上堂云盡地無外道古今無二乘參

涅槃會上堂云少雨多風月似彎落花流水一團團瞿曇夜半現神變方語圓音唱涅槃下座

開爐上堂云看々真聖一紅爐盡界十枚合作模生活鍊成諸佛祖今朝授手點茶糊

上堂鈍置一枚厚三寸顛倒三條長五尺山僧夜來打虛空一頓拳頭不痛虛空知痛大地競頭來胡餅為面目忽有一人向山僧道吾要買胡餅山僧向他道你是什麼人他向山僧答吾是觀音菩薩姓張名李山僧向他道你將得錢來麼他道不將得錢來吾向他道錢既不將來將得買也無他無對他又道要買要買還委悉這箇道理麼良久

云、觀音菩薩出頭來、大地山河不死、灰常念須知、三月裡鷓鴣啼處是花開、

上堂云、近來好坐禪、時節時節若過、有什麼著力、如無著力如何、辨肯借時節、力容易辨道、如今春風颺々、春雨霖々、父母所生之臭皮袋、猶惜之、况佛祖正傳之骨肉髓、豈輕之、輕之者、真箇是畜生、良久云、春功不到處、枯樹復生花、九年人不識、幾度過流沙、

上堂云、未移一步、拜三合、久鎖玄關、今豁開坐、斷

葛藤、千百萬々機俱透、起風雷、舉兼檠、示眾云、汝等諸人、盡是噎酒糟、漢與麼行脚、何處有今日事、還知大唐國裡無禪師麼、時有僧出曰、只如諸方匡徒、領眾又作麼生、檠云、不道無禪、只是無師、師良久云、不道無禪、已三十年、只是無師、自々齊肩、上堂舉大滿禪師、逮夜密詣碓坊、問能居士曰、米白也、否、能曰、白也、未有篩、大滿於碓以杖三擊之、能即以箕、米三簸入室、師良久曰、白也未、篩四五升、并三合一合始傳燈、華閱五葉、夜間錦劫外、春風

暗裏興

興聖寺語錄第一終

暗裏興... 興聖寺語錄第一終... 師於寬元二年甲辰七月十八日徙于當山明年乙巳四方學侶雲集座下... 結夏上堂拈拂子作一圓相曰安居超越遮箇又作一圓相曰安居究竟參這箇所以道威音空主佛稟於這箇之命脉而作佛作祖拳頭拄杖子得於這箇之處分而傳法傳衣枚々夏安居時々作頂骨雖然恁麼莫拈這箇為最初莫拈這箇為向上

開闢次住越州吉祥山大佛寺語錄卷第二

侍者 懷莽 編

師於寬元二年甲辰七月十八日徙于當山明年乙巳四方學侶雲集座下... 結夏上堂拈拂子作一圓相曰安居超越遮箇又作一圓相曰安居究竟參這箇所以道威音空主佛稟於這箇之命脉而作佛作祖拳頭拄杖子得於這箇之處分而傳法傳衣枚々夏安居時々作頂骨雖然恁麼莫拈這箇為最初莫拈這箇為向上

六十二金
縱見寂初趨倒寂初縱見向上蹈翻向上既得恁
麼不拘寂初不拘向上又且如何乃拈拂子作一
圓相曰向這箇巢裡安居
晚間上堂曰先來慈明圓禪師會有大叢林小叢
林之論雖是先德之論猶欠一隻眼且道喚甚麼
作大叢林喚甚麼作小叢林不可以衆多院闊為
大叢林不可以院小衆寡為小叢林若以衆之寡
多院之大小為叢林之量則成戲論縱衆多而無
抱道之人則是為小叢林縱院小而無抱道之人

則是為大叢林也猶不以民繁土廣為大國而以
有君聖臣賢為大國也汾陽善昭禪師會中止七
八衆趙州不滿二十衆藥山僅有十衆然例作晚
參近代雖聚會五百七百及一千僧既無抱道之
人具主席者豈為大叢林而比藥山趙州汾陽等
之會者哉所以近代斷無晚參亦絕講矣先師天
童出世乃千載一遇也雖當澆運軌則尤嚴或半
夜或晚間或齊罷捻不拘時節或擊入室鼓乃普
說或擊小參鼓乃入室或自手打僧堂槌在照堂

普說普說了入室或打首座寮前板就首座寮普
說普說了入室乃希代之勝躅也今大佛既為天
童之子亦行晚參是則我朝之取初也記得丹霞
和尚舉德山示眾曰我宗無語句亦無一法與人
德山恁麼道只是入草求人不覺通身泥水子細
觀來只具一隻眼若是丹霞即不然我宗有語句
金力剪不開玄玄深妙旨玉女夜懷胎師曰丹霞
恁麼道得眼睛照破慕直德山笑殺古今等閑佛
祖雖然如是若是大佛即不然大眾要聽大佛道

麼良久曰我宗無語句心與口相乖拈出為人處
駢胎與馬胎

晚間上堂曰昔唐虞有犯法者只畫其衣服而已
然無犯法之人者所以重法也後來雖行五刑
之辛法然多犯法之人者所以輕法也今我黨幸
值於不可比唐虞之佛法設使不畫衣服豈有犯
法者哉如有犯法者不重我佛也各各大眾如何
得不負佛恩良久云以手摩頭知慚愧袈裟之下
不顛頂

上堂舉南泉問黃檗甚處去檗曰擇菜去泉曰將甚麼擇檗豎起刀子泉曰只解作客不解作主師云南泉黃檗故是作家相見雖然恁麼若是大佛別有商量當黃檗豎起刀子時代南泉向黃檗道我王庫內無如是刀參解夏上堂以拂子打一圓相便曰莫認這箇作法歲周圍莫向這裡更打破飯椀正當恁麼時如何良久曰萬里直須無寸草石頭垂足住高山晚間上堂舉黃檗問百丈從上古人以何法示人

百丈據座黃檗曰後代兒孫將何傳授百丈拂袖起座曰我將謂汝是箇人這兩箇老漢只道得虎班又未道得虎不班人不班鳳不文龍不文也為甚恁麼大眾諦聽從上為人也只是據座後代為人便歸方丈是則是盡則未盡甚處未盡大眾湏知問處未盡道處未盡黃檗何不問從上後代蒙師指示即今閑快又且如何恁麼問時百丈如何垂手若是有入問太佛古人將何法示人即向他道他家鼻孔他家穿又問後代兒孫將何傳

授即向他道自家鼻孔自家牽又問即今閑挨子
又且如何即向他道一人傳虛萬人傳實
上堂剔起眉毛全提不借速回頂骨衝夫無依所
以吞盡三世佛底人從來懶于開口你口是我口
照破三千界底人而今懶于開眼他眼即自眼雖
然如是錯對向上一句子未免喪身失命記得鏡
清問玄沙學人乍入叢林乞指箇入路沙曰還聞
偃谿水聲麼清曰聞沙云從這裡入鏡清於此得
箇入處五祖山法演禪師曰果是得入一任四方

个面若也未然輒不得離却這裡若是大佛又且
不然真箇要得箇入處可惜許這一椀子忽有人
問正恁麼時又作麼生大佛良久遂向他道一場
懨懨

上堂去年冬間特示兄弟若於堂內廊下谿邊樹
下相見處互相合掌低頭如法問訊然後說話永
為恒規只如佛祖相見豈無禮儀佛在世日或燒
香散香或雨花散華慰問四大調和咨詢受化易
不永嘉到曹谿時振錫而立皆是佛祖相見儀式

切切遵守莫昧先蹤記得僧問睦州一言道盡時
如何州曰老僧在徐鉢囊裡又僧問雲門一言道
盡時如何門曰裂破古今有人問大佛一言道盡
時如何擲下拂子衆皆舉頭師云可惜許一柄拂
子
上堂朝家乏賢之時索才於山野所以索得百里
奚而委政索得傳師巖而輔國乃古之勝躅也明
知山野不無才士賢人山野曾豐才士賢人然則
汝等雲水寄身心於山壑安身心於佛道不可劣

於俗人不可劣於朝臣而汝等即今未及入臣之
心操寧達聖賢之意略乎是職由不學之與踈怠
可慚可悲汝等須知光陰如箭人命難駐救頭燃
而學道乃先佛之面目曩祖之骨髓也記得須菩
提持鉢于維摩詰家維摩詰滿盛香飯向須菩提
說言汝能謗於佛毀於法不入衆數乃可取食須
菩提未知是義置鉢而去這一段因緣二千餘年
無入料理也箇箇但言須菩提不曉是義人人未
道須菩提曉了是義大佛且問先德古賢汝等還

見須菩提置鉢而去之一則也無既有置鉢而去
須菩提道聲如雷至今而未休雖然脫落聲聞乘
緣覺乘菩薩乘等之聲也所以維摩詰不能聽得
相似又問維摩詰汝聽須菩提謗於佛毀於法不
入衆數說聲也無汝如未聽他說冷汝擊鉢盂飯
而立地待經一切却在雖然如是大佛代須菩
提向維摩道汝能謗於佛毀於法不入衆數更滿
盛鉢盂香飯來吾即取食待維摩擬道即奪取鉢
盂飯而直進

冬至上堂舉宏智古佛任天童時冬至上堂曰陰
極而陽生力窮而位轉蒼龍退窟而驟玄豹披霧
而變要將三世諸佛髑髏穿作數珠午一穿莫道
明頭暗頭真箇日面月面直饒你斗滿秤平也輸
我賣貴買賤諸禪德還會麼盤裡明珠不揜自轉
舉雪峰問僧甚處去僧曰普請去雪峰曰去雲門
曰雪峰因語識人宏智曰莫動着動着三十棒為
什麼如此皓玉無瑕彫文喪德師曰三位尊宿雖
恁麼道大佛老漢又且不然大眾諦聽善思念之

皓玉無瑕琢磨增輝今日一陽佳節君子長至雖
是俗人之佳節實乃佛祖之慶祐也昨日一線短
去陰極而過刺々今朝一線長至陽生而開聒々
乃衲僧唱拍佛祖舞踊直超空主威音之境界豈
拘春秋冬夏之時候恁麼見得雖為賢聖之命脉
人天之肝膽未是祇園之鼻孔鷄足之眼睛諸人
要會這箇時節佳辰麼以拂字作一圓相曰看良
久曰雪裡梅花說使明這邊更問一陽至北陸之
越自冬至春積雪不消或七八尺或一丈餘隨時
增減又天童有雪裡梅花之語師常愛之故當山

住後多以
梅雪為語

臘八成道會上堂落草六年老作家夜來不覺入
梅花春風耐耐箇中起紅白枝々謾自誇汝等諸
上座要知瞿曇比丘因由麼一由聞得天童脫落
話而成佛道二由大佛拳頭力得入諸人眼睛裡
神通智惠化度衆生忽見明星或奪諸人渾身而
坐金剛座把放一明一舉相見於三十三人雖然
恁麼世尊命根為甚却在諸人手裡諸人還要相
見世尊麼舉起拳頭良久又開豎五指良久曰諸

人已相見世尊了也既得相見又且如何良久曰
耶今悟道見明星便是如來喫粥處
謝監寺上堂已閱兩年三七月筭來六百有餘日
許多勞務又手成更把蒲團功不失這箇是現前
大眾相謝且道佛祖謝他又作麼生道良久以拂
子擊禪床右邊一下云佛祖各各謝先監寺了也
謝典座上堂我日本國寺院典座之法大佛初傳
前來未曾有實是為山夾山無著雪峰等之古聖
先德伸手而修習來之跡也生前辨肯乃最大功

德也阿誰籌量其邊際也非唯一佛二佛三四五
佛之所殖諸善根明知於無量無數諸佛所修諸
功德乃能勤之乃能得之乃能滿之乃能進之乃
能退之所以道你有鼻孔字我與你鼻孔字你無
鼻孔字我奪你鼻孔字取拂子豎起曰這箇是不
奪不與底道理所以這鼻孔字不被我瞞之與你
瞞忽然有時換却無孔笛兒不得依舊掛於辰角上
而端正欲奏少林曲便落奏梅花引欲奏祇園曲
便落奏太食調如是將錯就錯還依日面月面之

上関而掛鼻孔吹氣々々穿鼻孔眼睛放光々々開眼
睛既信得及世々諸佛即今與你同手眼而辨音
三十六旬代々祖師即今與你一身心而提掇一
十二月日圓月滿功歸道成忽然木杓敲磬飯桶
羹桶異口同聲念誦摩訶般若波羅密頻々念來
驚起法身築着磕著撞墻撞壁無回避處無回避
處若為論良久曰雲門三昧現塵々能轉食輪兼
法輪滿桶擔來教滿鉢世尊授記用來新
請監寺典座上堂知事者乃三世諸佛之所護念

也難陀尊者之勝躡沓婆尊者之勤修也當山樹
功草剗土木未備萬事蕭疎無人堪忍若非發心
種草之結緣焉能臨職便取拂子曰清淨海中釣
得龍鱗金鱗不離叢林拈來一莖兩莖做牛便要
拖犁拽耙做馬便要嚼鐵負鞍披毛戴角擺尾搖
頭禹門直透上関踏鼈不求諸聖職得人重已
靈賓中至跳出三條椽下不管十字街頭逢人未
得錯舉作佛頂是鐵漢鉄漢底句還要聞麼良久
曰箇是監院房箇是典座房

上堂曰記得僧問趙州未有世界早有此性世界壞時此性不壞作麼生是不壞性趙州曰四大五蘊僧曰此猶是壞底作麼生是不壞性趙州曰四大五蘊師曰趙州雖恁麼道只知把定不能放行大佛更道水長船高泥多佛大

上堂曰吞盡三世諸佛借人鼻孔出氣迦葉當年破顏至今猶未嘗地參

歲朝上堂舉宏智古佛住天童歲朝上堂曰歲朝坐禪萬事自然心々絕待佛々現前清白十分江

上雪謝郎滿意釣魚船參師曰今朝大佛拜續其韻良久曰大吉歲朝喜坐禪應時納祐自天然心慶快笑春面佛々牽牛入眼前呈瑞覆山盈尺雪釣人釣已釣魚船

上堂大釣運載化機絲毫不動石頭全提心印文彩未彰到這田地佛眼觀不及迷悟莫能該瞿曇眼睛在山僧手裡如木患字山僧鼻孔在瞿曇手裡如竹筒兒所以隔山見煙便知是火隔牆見角定知是牛舉拂子曰只這箇一毫不隔諸人畢竟

喚作甚麼還要躰悉麼天曉報來山鳥語陽春消
息早梅香

上堂記得僧問雲門如何是透法身句雲門曰北
斗裡藏身師曰雲門老人只道得法身句未道得
透法身句或有問大佛如何是透法身句即向伊
道法身裡藏身下座

上堂舉拳垂足說西道東雖教翻身回頭未免喪
身失命記得有問趙州如何是毘盧頂相趙州曰
老僧自小出家不曾眼華師曰趙州古佛雖恁麼

道有問大佛只對他道大底許多有大小底許多
有小拖下拂子下座

上堂三寸舌頭無動處一條空手不成拳記得僧
問同安如何是和尚家風同安曰金雞抱子歸霄
漢玉兔懷兒向紫微僧曰忽遇客來將何祇待同
安曰金果早朝猿摘去玉花晚後鳳啼歸師曰同
安曩祖家風最奇大佛遠孫家風樓樓或有入問
如何是和尚家風即向他道灼然道著頭角生龍
蛇混雜馬牛多忽遇客來將何祇待未到山門放

汝三十棒下座
二月十五日，上堂。令我本師釋迦牟尼大和尚般
涅，繫于鳩尸那城跋提河沙羅林，何啻釋迦牟尼
佛而已哉。過去未來現在十方一切諸佛悉皆向
今日，半夜而般涅，非唯諸佛西天二十八祖唐
土六祖有已，鼻有頂顛悉皆向今日，半夜般涅，繁
矣。無前無後，無自無他，未向今日，半夜而般涅，繁
非其，佛祖非其作家。既向今日，半夜而般涅，繁乃
佛祖也。乃作家也。既同涅，繁亦一家業。所謂鑄兒

折脚無脚木杓柄短，柄長鼻乳匾匾高直面目東
出西落識得拄杖，一生事畢死水藏龍盡地無人
泥團々土塊々，缺當門齒斷左邊臂。今日有明白
無空手拈此，半夜喚作三祇百劫修行盡力舉。這
一著喚作五百塵點壽命，恁麼道理大家覩見了。
也更有端的處，還要體悉麼。良久云：別人面掛瞿
曇眼，舉手槌胸空懊々，耐耐天魔生死魔七顛見
佛八顛倒擲下拂子下座。
至晚上堂拈拄杖卓一卓曰：這箇是太佛拄杖子。

河沙諸佛河沙國土總被拄杖一口吞却了也其中衆生不覺不知汝等諸人鼻孔眼睛精魂頂顛在什麼處若知在處於虛空中橫按豎卓若也不知長連床上有粥有飯記得僧問百丈大智禪師如何是奇特事百丈曰獨坐大雄峯又先師天童曰有人問淨上座如何是奇特事只向他道有甚奇特畢竟如何淨慈鉢盂移過天童喫飯這二尊宿道也太煞道未免傍觀笑若有人問大佛如何是奇特事即向他對大佛拄杖卓日本國卓一柱

杖下座

上堂古曰天地與我同根萬物與我同躰拈起拂子曰這箇是大佛拂子那箇是同箇躰那箇是同箇根而今不惜性命為諸人說良久曰廬陵米價高鎮州蘿蔔大擲下拂子下座

上堂曰見佛是拜佛騎牛是覓牛為甚如是理合如是背自不到處切忌更道著道著則頭角生拈起拂子曰頭角生了既得頭角生是牛是馬瞿曇達磨風鳴條雨破塊蝦蟇啼蚯蚓啼唯見山家桃

李發千門萬戶對春蹊拖下拂子下座
晚間上堂拈拄杖云夫佛法以佛法批判不可以
天魔外道三界六道法而批判也釋迦牟尼佛滿
三阿僧祇劫供養諸佛後乃自成佛所謂從古釋
迦佛至彌那尸棄佛值七萬五千佛滿初阿僧祇
劫從彌那尸棄佛至燃燈佛值七萬六千佛滿第
二阿僧祇劫從燃燈佛至毗婆尸佛值七萬七千
佛滿第三阿僧祇劫然後今日成道大佛而今為
大家說從古釋迦佛至蒲團坐斷七萬五千之烟

煙而滿初阿僧祇劫從蒲團至拄杖打破七萬六
千之土塊而滿第二阿僧祇劫從拄杖至拂子咬
嚼七萬七千之鐵額而滿第三阿僧祇劫雖然恁
麼更有第四第五第六第七第八第九第十阿僧
祇劫子細參究始得大衆要知初阿僧祇劫麼卓
拄杖一下云這箇便是要見第二阿僧祇劫麼卓
拄杖一下云這箇便是但要見第三阿僧祇劫麼卓
拄杖一下云這箇便是但恁麼參始得古釋迦今
釋迦莫向如鏡鑄像處錯會如鏡鑄像

上堂釋迦牟尼佛大和尚告舍利弗道汝慎勿為利根之人而廣說法為鈍根之人而略說法舍利弗言我為憐愍故說非為具足根力世尊道廣略說法非諸聲聞緣覺所知這箇是靈山古佛道若有人問大佛作麼生是利根之人向伊道頭邊雙耳似車輪作麼生是鈍根之人向伊道頂骨面皮作笑具作麼生是舍利弗道之為憐愍故說底箇憐愍放汝三十棒雖然恁麼世尊道廣略說法非聲聞緣覺所知意旨作麼生良久曰射虎不逢人

鈍置千鈞弩下座

三月二十日上堂曰遼夫是諸人鼻孔匝地是諸人脚跟所以祖師西來諸佛出世鼻處作眼處佛事眼處作耳處佛事六根互用諸塵同參所謂石人似汝解唱巴歌汝似石人頌和雪曲正當恁麼時於一切處發一切智諸人要委悉這箇道理麼良久曰誰恨春光無覓處分明青草百華新下座上堂盡十方世界山河大地瓦解冰消盡十方世界山河大地向什麼處安身立命還有人道得麼

若有人道得參學眼分明若道不得三十年逢人
 不得錯舉三十年外大佛祇管笑他笑他箇什麼
 笑他箇逢人不得錯舉
 上堂舉僧問趙州如何是不錯底路趙州曰明心
 見性是不錯底路後來曰趙州祇道得八九成我
 即不然若有人問如何是不錯底路即向他道家
 家門裡透長安師云雖恁麼道不足觀矣趙州古
 佛道得是也要知趙州道之明心麼欬一欬曰便
 是這箇要知趙州道之見性麼笑一笑曰便是這

箇雖然恁麼趙州古佛眼觀東西意在南北忽有
 人問大佛如何是不錯底路即向他道輒不可離
 這裡忽有人道和尚膠柱調絃麼更向伊道你知
 得膠柱調絃麼

四月八日浴佛上堂曰我本師釋迦牟尼佛大和
 尚二千年前今朝現生降誕干淨飯王宮毘藍園
 裡周行十方七步一手指天一手指地目顧四方
 云天上天下唯我獨尊大家要見世尊降生麼拈
 拂子作一圓相曰世尊降生也盡十方界山河

國土其中諸人有情無情三世十方一切諸佛與
瞿曇世尊同時降生了也都無一物為先為後因
甚如斯所以世尊受大佛降生而降生受大佛脚
跟而周行七步受大佛開口而便道天上天下唯
我獨尊畢竟更道不受諸受是名正受若也恁麼
消滴不落別處作麼生是不落別處底道理良久
曰若不傳法度衆生終不名為報佛恩作麼生是
傳法報恩底道理下座與大衆同詣佛殿拜浴如
來清淨法身

上堂曰若說佛法供養兄弟未免眉鬚墮落若不
說法供養兄弟入地獄如箭射超此二途大佛令
日將什麼為兄弟良久曰天上無弥勒地下無弥勒
勒見面勝聞名逢人謾不得
賀請知客上堂當山今日始請知客所謂知客見
雲見水相見雲水之時以雲水為面為目雖為諸
佛之行李宛乃一色之辨道也舉道心以顧愛於
方來以佛法而一興於叢席之職也乃云佛法無
人說雖惠不能了驀跳上頭関南面看北斗到這

田地是什麼人教他過量人能行過量事過量人
已見過量法今聞雖然如是且不涉言詮一句作
麼生道良久曰入禪入魔雲足水足

結夏上堂佛祖心髓五六合喚作安居九旬衲僧
眼睛百千枚喚作護生三月雲閑於山乃父乃子
水清干海為弟為兄骨肉同參龍蛇一辨佛々提
持這箇喫飯著衣人々保任此事安身立命十方
古佛渾身碌磚乃禁足也一切露柱舉躰木頭乃
結制也蒲團結果時々熟拄杖開華日々香當恁

麼時波旬見佛笑哈々遁右點頭開聒々笑哈々
箇什麼開聒々箇什麼笑哈々箇拄杖開華開聒
聒箇蒲團結果

上堂曰雲生嶺為瑞為祥為山水牯牛九々八十
一月在潭有明有清雪峯鼈鼻蛇七九六十三記
得趙州問太慈般若以何為躰太慈曰般若以何
為躰趙州呵々大笑而出太慈明白見趙州掃地
問般若以何為躰趙州放下掃帚拊掌呵々大笑
太慈便歸方丈師乃曰大慈趙州只道得相似底

句不道得相体底句。若有人問大佛般若以何為
林即向他道相隨來也。

上堂舉大為舉臨濟悟道因緣問仰山臨濟當時
得大愚力得黃檗力仰曰非但將虎鬚亦解騎虎
頭師乃曰大為仰山道也太煞道祇道得八九成
若是大佛又且不然忽有問臨濟當時得大愚力
得黃檗力即向他道粥力飯力雖然恁麼誰知黃
檗得臨濟拄杖力大愚得臨濟拳頭力
惠信比丘尼為先考請上堂曰一法通萬法通二

才知諸佛知所以道知恩方解報恩記得漸源與
道吾施主家吊慰次撫棺曰生耶死耶吾云生也
不道死也不道漸源曰為什麼不道吾曰不道不
道師曰生耶死耶三世諸佛不知有死耶生耶狸
奴白牯却知有生也不道死也不道鐵牛依舊卧
煙沙為什麼不道舌頭長口門窄不道不道大虫
與虎始為親

上堂曰記得仰山到東寺寺問什麼處來山曰廣
南來寺曰兼問廣南有鎮海明珠是否仰曰是寺

日作何形狀仰云白月郎隱黑月郎現寺云還將
得來否仰云將得來寺曰何不呈示老僧仰云昨
到瀉山亦被索此珠直得無言可對無理可伸寺
曰真獅子兒大獅子吼師曰這箇因緣叢林喚作
呈珠話作麼生是珠以拂子作一圓相云不是這
箇麼這箇且致那裡是他呈珠處乃云諸人著力
處粥飯足日用直饒明得三十拄杖

上堂曰古人道一翳在眼空華亂墜拈拂子曰這
箇豈不是一翳在眼百千諸佛總在拂子頭上示

現丈六紫磨金色之身乘其國土遊歷十方說一切
切法度一切衆豈不是空華亂墜一切祖師遊梁
歷魏傳衣付法豈不是空花亂墜而今若有向未
拈拂子前翫巾斗得底麼出來與大佛相見如無
切忌眼本無翳空本無華處著到便擲下拂子於
階下曰雖然如是未免今年塩貴米賤

上堂曰記得百丈因瀉山五峯雲巖侍立次丈問
瀉山併却咽喉唇吻作麼生道瀉山曰却請和尚
道丈曰我不辭向汝道恐已後喪我兒孫丈又問

五峯々曰和尚也須併却丈曰無人處斫額望汝
丈又問雲巖々曰和尚有也未丈云喪我兒孫師
云却請和尚道折骨還父和尚也須併却借婆衫
字拜婆年和尚有也未未帶累伊眉鬚墮落
上堂舉須菩提說法帝釋雨花尊者問曰此華從
天得耶天帝曰弗也從地得耶天帝曰弗也從人
得耶天帝曰弗也從何得耶天帝舉手尊者曰如
是知是雲門曰天帝舉手處作麼生與你四大五
蘊釋迦老子同別師乃曰尊者怎麼問未是問盡

天帝怎麼答未是答盡若是大佛即向天帝問是
老僧眼華是天帝眼花若是天帝向尊者道眼花
眼花尊者若問此花從天得耶從地得耶從人得
耶若是天帝即向尊者道天因此花清地因此花
寧人因此花榮得尊者欲道如是如是拈花便雨
著尊者頂額上始得天帝舉手善是甚善恐雨花
遲一刻在今日大佛與諸大衆上法堂上乃是說
法雷聲轟々必見雨花繽紛紛々耶擲下拄杖曰
且問大衆說法先雨華先

上堂曰若道第一句便被拄杖瞞不道第一句却
被葫芦瞞截斷彼此句大悲院裡有村齋吞却如
此句石頭和尚到青原眼凸鼻凸七縱八橫問箇
祖師意點頭搖々多少敲空問箇正法眼拍手呵
呵大笑倒地盡遮般虎成恁麼狸兒落野狐精惱
乱水牯牛

上堂曰舉僧問保福雪峯平生有何言句得似羶
羊掛角時保福曰我不可作雪峯弟子不得圓悟
禪師曰孔翠羽毛麒麟頭角重々光彩的々相兼

要明陷虎之機須施崖崖之句雖然如是只知與
麼來不知與麼去或有問山僧五祖平生有何言
句得似靈羊掛角時只對他道不敢辜負先師還
委悉麼山高豈礙白雲飛師曰大佛門下又且不
然知遮般事便休雖然如是只知頭角生未知脚
跟力有箇釘嘴鐵舌漢鏖盡古今舊公案或有問
山僧天童平生有何言句得似靈羊掛角時只對
他道我不瞞先師不得

上堂曰月生一把筆書太吉月生二明々祖師意

永生廣錄 卷二
月生三千古屈瞿曇雖然怎麼更有竜象出來與
大佛拄杖相見得麼良久曰因積有淮北因橋有
淮南
端午上堂卓拄杖一下云五月五日天中節盡大
地人帶藥綫記得善賤參文殊々々曰出門將一莖
藥草來善財出門遍觀盡地無不是藥還來向文
殊道盡大地是藥把將那箇來文殊曰將一莖藥
草來善財把一莖草度與文殊文殊接得一莖草
便示衆曰這一莖草亦能殺人亦能活人師曰要

參這因緣麼善財道盡大地是藥把將那箇來便
是把將一莖草々也雖然如是善財只得眼見未
得心會文殊道把一莖草來文殊你知從門入者
不是家珍之道理也若也未知文殊你雖將來而
未嘗親也善財出門便是草々念々也雖未嘗
頭把將來還是腳踏著得也善財把一莖草度
與文殊便是將來一番兩番公案々也正當怎麼
時兩箇漢腕頭有力在文殊接得便曰亦能殺人
亦能活人作麼生是殺人作麼生是活人卓拄杖

一下曰這箇便是殺人麼又卓拄杖一下曰便是這箇活人麼不拘這兩頭更有一箇道理大家要知麼良久卓拄杖下座上堂舉池州甘贄行者誦南泉設粥請南泉念誦南泉入堂自白槌曰請大衆為狸奴白牯念摩訶般若波羅蜜多行者當時使下山去南泉粥罷下堂問典座行者在否座曰當時拂袖便去了南泉遂打破粥鍋師乃曰摩訶般若波羅蜜物色狸奴白牯念正使南泉打破粥鍋爭如行者下山驗

上堂曰十五日巳前若不同牀眠爭知被底穿十五日巳後機輪曾未轉々必兩頭走正當十五日古壁幾青舟俟秋吟蟋蟀雖然如是大佛門下如何高提相逢靈山老古錐兮手裡果然拈出相瞞少室老臊胡兮胸襟幸然著實諸人要委悉這箇道理麼良久曰平生肝膽向人說拄杖一條何黑漆

上堂曰佛々授手祖々相傳相傳箇什麼授手箇什麼大家若知而今落處三世諸佛六代宗師破

草鞋破木杓盡力曳而未肯止若也擬議大佛在祇
脚底

上堂曰萬象之中獨露百草頭上相逢我不見分
外底我他不見分外底他三十年來分疎不下十
二時中一物不中所以道不是神通妙用不是法
爾如然正當恁麼時作麼生良久曰今日和羅如
昨日薰風氣味似春風

上堂云什麼物高於天生天者是什麼物厚於地
生地者是什麼物寬於虛空生虛空者是什麼物

超於佛祖生佛祖者是雖然如是因什麼却在諸
人眉毛上因什麼却在一粒粟米裡正當恁麼時
句裡明宗則易宗中辨句則難心不能緣口不能
議直須退步荷擔切忌當頭觸諱諸人要委悉這
箇道理麼良久曰搬得晴天染白雲運來溪水濯
明月

上堂云記得趙州問南泉知有底人向什麼處去
泉曰向山前檀越家作一頭水牯牛去州曰謝師
答話泉曰昨夜三更月到窓師曰牛前入後眼中

眼知有底人鼻孔長繫得當窓先夜月三更依舊
照山堂

上堂曰直進一步未免犯國主水草直退一步未

免蹈祖父田園不進不退之處還有出身之路也

無良久云權掛垢衣云是佛却裝珍御復為誰

改大佛寺林永平寺上堂寬元四年丙午六月十五日天有道

以高テ清地有道以厚テ寧人有道以安穩所以世尊

降生一手ハ指天一手ハ指地周行七步曰天上天下

唯我獨尊世尊有道雖是恁麼永平有道大家證

明良久云天上天下當處永平

上堂曰參學人須具衲僧眼睛始得既具衲僧眼

睛被旁觀換木患字始得若被木患字換却不被

本地瞞不被蓋夫瞞不被佛祖瞞不被拄杖瞞入

水入火不灑不燒見佛見魔自處自在良久曰作

麼生是適來道底者若有出來對眾呈看永平許

你參學事畢脫レ或未ハ然拄杖ヲ突ツ你在雖然如是

若喚作伊眉鬚ヲ墮落セ

上堂曰世尊道一人發真歸源十方虛空悉皆消

殞五祖山法演和尚道一人發真歸源十方虛空
築著磕著夾山圓悟禪師道一人發真歸源十方
虛空錦上添花佛性法恭和尚道一人發真歸源
十方虛空只是十方虛空先師天童道一人發真
歸源十方虛空悉皆消殞既是世尊所說未免盡
作奇特商量天童則不然一人發真歸源乞兒打
破飯碗師曰五尊宿恁麼永平恁麼一人發真
歸源十方虛空發真歸源

上堂記得天親從弥勒内宮而下無著問曰人間

四百年彼天為一晝夜弥勒於一時中成就五百
億天子證無生法悉未審說甚麼法天親云只是
說這箇法無著聽便成就永平且問過去現在未
來拳頭頂額露柱燈籠作麼生是這箇法拄杖未
到拂子不用莫是花開花合麼莫是掃地掃牀麼
良久曰三千刹海一成秋明月珊瑚寒與照
上堂曰記得僧問石霜教中還有祖師意麼石霜
曰有僧云如何是教中祖師意石霜曰莫向卷中
求雲門代云不得辜負老僧却向屎坑裡坐地作

永平廣金 卷三
什麼師曰二老宿道也道是但恨八九若是永平
或有人問教中還有祖師意麼即向他道若不是
教中豈有祖師意他或有問如何是教中祖師意
即向他道黃卷朱軸畢竟如何擲下拂子於階前
下座

上堂我本師釋迦牟尼佛大和尚先世作瓦師名
曰大光明尔特有佛名釋迦牟尼佛彼佛世尊壽
命名號國土弟子正法像法一如今佛彼佛與弟
子俱至瓦師舍宿瓦師以草座燃燈石蜜水漿施

佛及比丘發誓願當來五濁之世作佛佛及弟子壽
命名號國土身量正法像法一切皆如今釋迦牟
尼佛不異如其昔願今日作佛國土弟子正法像
法壽命名號一切皆如古釋迦牟尼佛日本國越
宇開闢永平寺沙門道元亦發誓願當來五濁之
世作佛及弟子國土名號正法像法身量壽命
一如今日本師釋迦牟尼佛不異唯願佛法僧三
寶天衆地衆雲衆水衆柱杖拂子證明此願雖然
如是今釋迦牟尼佛親曾在古釋迦牟尼佛國佛

及弟子來宿自舍一與供養草座石室而發誓願
今已成就其願而今道元去佛甚遠還有見佛身
聞佛說分麼拈起拂子云今釋迦牟尼佛及佛弟
子俱至拂子頭上宿又拈起拂子云八萬法藏圓
音在耳又拈起拂子云我今供養發願頓得作佛
一如所願不異也諸人要知道怎麼道理麼以拂子
打一圓相云莫錯舉好
解夏上堂曰正令提綱飲水鵝能取淳味通一線
道採花蜂不損餘香布袋自恣開口十方世界也

一時自恣開口蒲團法歲周圍十方世界也一時
法歲周圍所以有心者知無心者得實處而用主
中而尊借位明功借功明位父子氣和君臣道合
良久願視大眾曰瞿曇一著九旬弄信手拈來木
杓柄雲水叢林自恣人果如是也須相慶
天童和尚忌上堂曰入唐學步失耶鄞鼻直眼橫
無兩般莫謂天童瞞學者天童曾被永平瞞

永平寺語錄卷第二終

卷三 新加坡 卷三

地而然其地本宜耕種蓋其地本宜耕種
不重味由是之食日人宜其地宜其地
作時亦不難其自志人果其地宜其地
及久則其地本宜耕種蓋其地本宜耕種
中而事其地宜其地宜其地宜其地
其地宜其地宜其地宜其地宜其地
其地宜其地宜其地宜其地宜其地

主 俊峰

